

《中國地方藝文薈萃》編輯委員會 編

學苑出版社

中國地方藝文薈萃

北京·中國郵政

華東卷·第四輯

貳

中國地方藝文薈萃

《中國地方藝文薈萃》編委會

編

貴州師範學院內部使用

梅會詩選十二卷二集十六卷
三集四卷附刻一卷（二）

漳州师范学院内部使用

梅會詩選十二卷二集十六卷三集四卷附刻一卷(二)

(清)李稻塍 (清)李集輯

據清乾隆三十二年(一七六七)寸碧山堂刻本影印

梅會詩選二集卷第四

李稻陸編次

王翊二

今體詩八十一首

荒原

荒原秋草積日暮獨行歌
野水隨天盡寒烟入樹多
一身今老大滿眼又干戈
北望烽塵合驚聞旅雁過

落日

落日凭高望離懷起暮愁
山光搖暗水樹色隱清秋
身世終何託干戈卒未休
飄零一舟在將事五湖游

清河縣

小縣無城郭河流到縣門
客舟經近市漁網集空村
饑

有句在題二句
一
體年頻告逃亡屋半存惟餘譙鼓在猶是警黃昏

客感

千里江南客冬深未授衣愁將雙鬢改寒共一燈微去
國輕生死依人略是非鄉園更搖落何處可言歸

秋日懷范四路

十年成往事長嘯激悲歌搖落清秋甚蹉跎白髮何風
塵孤劍冷天地一身多更念幽居者衡門掩薜蘿

越中送顧偉南還雲間

相憐俱在客感別此心同前路夕陽外行人春草中天
長迷去楫江遠泣羈鴻怨入華亭鶴依依向北風

雨餘山陰道中

夙慕山陰道今來愜所聞
幽情殊未極佳景杳難分
日氣淫秋雨嵐光變夕曛
蘭亭不可見楓葉自紛紛

鄰人載酒過

處世吾誠拙歸來長鋏歌
年華坐搖落天地復如何
夜雨深荆蔓秋烟冷薜蘿
衡門問竒者載酒一相過

泛舟

洄流成小汎道阻意如何
白日浮孤櫂滄浪獨浩歌
楓林依水盡雲物近秋多
早晚山窗下寒衣剪薜蘿

同友人集白雲山樓

路入中峰峻松門一徑分
危樓延萬象尊酒對斜曛
月色開青嶂鐘聲過白雲
曾聞上方寺鸞鶴自為羣

寄內

白門楊柳樹蕭颯在江關故園幾回夢清秋萬里山遠
懷應有淚久客且無顏歲晚愁歸計冰霜道路艱

渡浙江

水驛渺難求風帆颯未收江山開一望吳越在孤舟客
鬢逢秋換鄉心逐暮愁浮沉無限事觸目羨沙鷗

寄張司隸

辛苦張司隸朝廷舊從臣移家長水道寄食大江濱野
服疑山客方言就土人秋風遲幾日相見及鱸蓴

送范子還澱上

久客懷雙鬢天涯屢獨過那堪重遠別能不有悲歌山

雪行人少江梅臘月多嗟君從此去渡滿澗陽波

人日懷周箕

時周子訪道留臯亭山

臯亭何處是風雪念離羣白社達人日玄關閉子雲冰
開隨澗落鐘遠隔山聞此夜傳心法安禪過漏分

冬日

蕭條西北風吹斷北來鴻歲月客程晚冰霜天宇空有
時歸夢裏盡日處愁中昨夜傳鄉信烽烟又浙東

西園

西園當夜集公子特清華芳樹陰隋苑名姝麗石家池
霜平落葉路草作寒花斜日朱門閉閒鷗滿白沙

二十七夜見月

纖月依微見愁人起四更暫時成死魄幾日又生明花
霧冥冥重星河湛湛傾鄰雞催薄曙知爾有同情

送弟庭之廣州

貝齒明戎服行光僕隸先枕柳千樹雨瘴霧百蠻天蟻
附懸山馬蛇行泝紙船含悽悲遠道筋力爾須堅
西風黃葉落天地正窮秋遙役當殘歲飛帆入亂流日
南頻墮烏海上遠辭鷗不待炎蒸苦應思馬少游

送朱職方昆弟還舜江兼問越中知己

雪滿山陰路舟從此夜歸寒江逢舊臘明月換征衣一
二故人在飄零佳訊稀所嗟愁臥者心與脊令飛

別陳臥子

南國生芳草懷歸正此時
流人千里恨博士五經師
江落曹娥水山空夏禹祠
還將禾黍淚洒別問何之

送李孝廉遊京口

故人千里別五月泛微茫
客夢應無間仙舟幸不忘
山形起黃鶴江勢抵丹陽
想陟金焦頂題詩滿上方

懷黃十三伋

頗謂離家慣誰知旅服寒
春風連夜雨伋也獨長歎
能事傳王宰佳書報謝安
所思雖未遠時復念加餐

寄金陵知己

當時為遠客長鉞不歌魚
身與羣公接門無一日虛
江

山雖白亦人物近黃初自賦
歸來後交知或念余

四十初度

不才吾老矣萬事一蹉跎今日尚如此他年知若何空
囊初罷酒樂歲且狂歌每欲尋巢許無從訪薜蘿

送客還山右

春草太行山行人一騎還夕陽前路遠離夢索居閒鳳
舉今誰匹鴻歸不可攀所悲流水意千里送潺湲

有感

窮老心逾拙羈棲鬢已斑文章身後事邱隴夢中山遂
欲東浮海不然西出關桃源如可問但去莫須還

村居

獨樹寒烟外孤村流水間偶隨飛鳥去遠逐樵人還川

暝罷垂釣日斜長掩關何年事高隱歸臥鹿門山
得余生洞庭山書

城南言別後何處寄浮萍近有鄉人至傳君在洞庭遠
書通橘社疎夢隔樟亭落落晨星恨無由託羽翎

酬周筭見贈

南國存三戶西京賦七哀嘗聞杜陵叟未見洛陽才硯
古遺銅雀書亡問玉杯不知題鳳者今日為誰來

失題

漢殿崇新業秦關訪舊封河陰遠苻藻岳勢削芙蓉王
氣昭三象仙槎御六龍恩波疑浩蕩千里自朝宗

蘭橈開三殿天旗簇九旂葳蕤來雉尾款乃御龍舟宿

雨繁花重春烟遠樹浮離宮三十六歌吹入揚州

避居吳村

百折尋窮路村烟見渺茫吹萍稠一面立木老千章鳥
散驚花塢人歸靜草堂前山當甕牖中座設繩床棟不
高於杖居堪載似航烏皮留卧几蕉葉卷書囊敝硯塵
彌積清琴壁漫張依棲疑若故相訊道勝常倦則尋餘
玩閒宜伐遠揚撥苗蒐野藥轉水活初秧樹息憐牛喘
簾垂想燕妨飄零移短夢蟬引報疎涼

贈杜總戎十韻

時杜奉命征流寇父子同鎮鳳陽

虎竹馳新詔龍庭想舊功邊隅推節鉞征伐問英雄地
重尊陵寢天恩眷沛豐廉頗猶善飯杜預復臨戎建策

君臣合干城父子同六師分汗馬雙夢叶非熊養士千金散懸烽萬井空鈴樓開樹左禡祭列軍中銘即燕然石碑仍象郡銅鏡歌聞不日世美錫彤弓

登北固甘露寺

凌雲亭畔倚崔嵬明滅維揚望裏開南國至今遺寺在西風不盡大江來日生滄海凌晨見潮過金山向晚迴指點孫吳舊時事馬蹄石跡半蒼苔

答范遵甫

濁酒空懷田舍歌百年身世半蹉跎人歸野徑殘陽盡家在寒塘落葉多好竹不嫌愁裏看名山竊喜夢中過餘生欲逐漁樵去白髮於今奈老何

竹夜

林風吹竹竹露微幽人隔竹開柴扉星河夜宿草堂靜
蟋蟀暗吟秋月輝疎鐘杳杳坐來歇流螢奕奕停還飛
石床一枕破清夢寥落半生無是非

哭陳臥子

天柱西崩日氣哀孤臣飲血痛無辭生將完體從魚腹
死有留名在豹皮亡國自吳潮尚怒招魂入楚賦恒悲
故人墮淚龍潭水入夢還驚下榻時

此身

爾蒼落落嗟此身物色好我能幾春津梁已疲不復出
毛髮半禿將誰陳重門擊柝待暴客明月置酒來佳久